


**РУСЬ СВАТАА, ХРАНИ ВЪРУ ПРАВОСЛАВНУЮ,  
ВЪ НЕЙ ЖЕ ТЕБѢ УТВЕРЖДЕНІЕ!**



**На дѣло возсозданія Святой Руси никакого  
спеціального благословенія не надо.  
Вы и такъ имѣете его внутри себя  
Митрополитъ Іоаннъ (Снычевъ).**

**Во славу Святыя, Единосущныя,  
Животворящія и Нераздѣлимыя Троицы,  
Отца и Сына и Святаго Духа,  
тщаніемъ брати напечатася книга сія,  
Акаѳистъ Собору Карпаторусскихъ святыхъ,  
во градѣ Кіевѣ,  
въ лѣто отъ Рождества по плоти Бога Слова  
2016**





**АКАФИСТЪ  
СОБОРУ КАРПАТОРУССКИХЪ  
СВЯТЫХЪ**



**Кієвъ 2016 г.**

# АКАФИСТЪ

## СОБОРУ КАРПАТОРУССКИХЪ СВЯТЫХЪ

### Кондакъ 1

**И**збраннии Богомъ во свидѣтельство Православныя Вѣры, святителие, исповѣдницы, преподобнии и праведнии Карпатскія Русі, страну сію ученьми своими просвѣтившии и кровьми вашими освятившии, прещеній мучителей не убоявшеся, любовь къ Богу даже до смерти явили есте и за страданія ваша неувядаемая вѣнцы отъ руки Вседержителя пріяли есте. Тѣмже, ублажающе святую память вашу, всеумленно зываемъ къ вамъ: Радуйтеся, вси святіи Русі Карпатскія, тепліи о насъ къ Богу молитвенницы.

### Икосъ 1

**А**нгеломъ въ житіи своемъ уподобилися есте, отцы святіи, съ нимиже нынѣ на Небесѣхъ преславно ликовствуете и въ радости неизреченнѣй Престолу Господню предстоите. Мы же, вѣдуще твердое ваше исповѣданіе, подвиги и терпѣніе, имиже Христа Бога нашего прославили есте, ублажаемъ васъ сице:

Радуйтеся, безвоязненнии вѣры Христова проповѣдницы.

Радуйтеся, истиннаго благочестія неумолкающіи глашатаи.

Радуйтеся, прелести міра сего отвергшии.

Радуйтеся, Царствія Божія присно взыскавшии.

Ра́дуйте́ся, люво́вь ва́шу ко Го́споду́ Иису́су крѡ́вию своѡ́ю запечатлѣ́вшии.

Ра́дуйте́ся, ду́ши своѡ́я за і́мя Христо́во положи́вшии.

Ра́дуйте́ся, вси́ святі́и Русі́ Карпа́тскія, те́плии о насъ́ къ́ Бо́гу моли́твенни́цы.

## Конда́къ 2

**В**идѣ́въ вы́ Госпо́дь, святі́и равноапо́стольнии Ме́тѡдіе́ и Кири́лле, я́ко і́стинныя па́стыри Це́ркви Своѡ́я, преду́стави васъ́ бы́ти просвѣ́тители сопле́меннымъ́ вамъ́ язы́комъ́ Слове́нскимъ́; того́ ра́ди и благода́ть Его́ бѣ́ съ ва́ми, огражда́ющая и укрѣ́пляющая васъ́, ю́же помо́щницу себѣ́ иму́ще, сла́ву Бо́жію во гра́дѣхъ́ и ве́сѣхъ́ Слове́нскихъ́ дѣ́лы и словеса́ вѣ́щали есте́, на́учая всѣ́хъ́ пѣ́ти Бо́гу: Аллилу́іа.

## И́косъ 2

**Р**азу́момъ́ і́стиннаго богопозна́нія свѣ́ше просвѣ́щеніи, проповѣ́дницы́ богоно́снии яви́шася, святі́и Ме́тѡдіе́ и Кири́лле; тѣ́мже во страны́ Слове́нскія́ придо́ша и новокреще́нныя лю́ди Христо́вымъ́ уче́ніемъ́ просвѣ́тили есте́. Ті́и же, узрѣ́вше васъ́ я́ко А́нгеловъ́ свѣ́тлыхъ́, спасе́ніе благовѣ́стити гряду́щихъ́, и я́ко па́стырей до́брыхъ́, ду́шу свою́́ за о́вцы полага́ющихъ́, просла́виша Бо́га, дѣ́внаго во святы́хъ́ Свои́хъ́. Се́го

ради радующеся, яко таковыя имамамы учители и молитвенники, прославляемъ васъ, глаголюще:

Радуйтеся, радости Евангельскія благовѣстителіе и Истинныя Вѣры исповѣдницы.

Радуйтеся, ересеи зломудрыхъ обличителіе и нечестія агарянскаго и іудейскаго посрамителіе.

Радуйтеся, языкомъ Словенскимъ свѣтъ Христовъ принешии и двѣри Царствія Небеснаго имъ отвѣрзиши.

Радуйтеся, Православія твердое огражденіе и латинства совершенное поправіе.

Радуйтеся, всѣмъ Словеномъ пастьеріе и отцы, иуже ради есмы вси братіе; радуйтеся, яко васъ ради, братія сущѣ по плоти, и по духу братія Христу сотворихомся.

Радуйтеся, вси святіи Русі Карпатскія, тепліи о насъ къ Богу молитвенницы.

### Кондакъ 3

Вилою Вышняго укрѣпляемъ, равноапостольный княже Ростиславе, насытитися Небесныя пищи паче всего вождѣлъ еси; сего ради въ земли Моравстѣи ідолы поправъ и ношъ невѣдѣнія упразднѣвъ, о просвѣщеніи народа твоего свѣтомъ Вѣры Христовы тщался еси, научая воспѣвати Творцу всяческихъ: Аллилуіа.

### И́късть 3

**И**мѹще єди́но раче́ніє, є́же єди́ному Бо́гу благоу́гождати и пра́вдою вѣ́рно Ёмѹ слѹжи́ти, Ростисла́ве блаже́нне, испроси́лъ єси́ отъ ца́ря Гре́ческаго въ зе́млю Моравску́ю равноапѹсто́льныхъ учи́телей Меѹоді́я и Кири́лла, и́хже уче́ньми лю́ди твоя́ Исти́ною Христо́вою насыща́хуся. Тѣ́мже ублажа́емъ тя, благовѣ́рне кня́же, хвалѣ́ніи си́ми:

Ра́дуйся, сла́ву небѣ́сную па́че земныхъ́ благъ возлюбѣ́въ, Христу́ послѹжи́лъ єси́, сі́яя добро́тами.

Ра́дуйся, я́ко дѹхъ твой правосла́вно Бо́га воспѣ́, и́долы бо тво́ю низложи́шася.

Ра́дуйся, я́ко въ Небѣ́сныхъ́ черто́зѣхъ ны́нѣ́ ликовствѹ́єши, кня́же пра́ведный, возлюбѣ́въ бо єси́ Христа́, Ёмѹ́же священны́я хра́мы воздви́гль єси́.

Ра́дуйся, добродѣ́тельми, я́ко порфи́рою, украсѣ́вся, къ Небѣ́сному Ца́рствію преста́вился єси́.

Ра́дуйся, я́ко на землі́ свято́ поживѣ́въ, въ вѣ́чныя обите́ли всели́лся єси́.

Ра́дуйся, я́ко ны́нѣ́ на Небѣ́сѣхъ́ сі́яєши и изли́ваєши стру́и благода́ти, во є́же спасти́ся дѹша́мъ на́шимъ.

Ра́дуйте́ся, вси́ святі́и Русі́ Карпа́тскія, те́плии о насъ́ къ Бо́гу моли́твенницы.

## Кондакъ 4

**Б**ури искушѣній и вѣдъ не поколебá крѣпости души твоея, преподобне отче Иоанне, твердынею во вѣры себѣ украшая, желаній краю достигль еси и Церкви Зиждителю благопріятенъ явился еси, Емуже велегласно нынѣ на Небесѣхъ поѣши: Аллилу́а.

## Икосъ 4

**В**ѣдуще міра сего суету и яко неудобно есть въ немъ спасеніе безсмертныхъ души совершати, четырьдесять и два лѣта въ уединеніи единому Богу поботалъ еси, отче Иоанне. Сего ради, похваляя равноангельное житіе твоѣ, увлажжаемъ тя, глаголюще:

Радуйся, Христа паче всего возлюбивый и всего себѣ въ рѣцѣ Его предавый.

Радуйся, Господеву житіемъ твоимъ угодивый и Ангелы труда твоими возвеселивый.

Радуйся, Божія благодати сосѣде избранный, юже и на насъ изобильно изливаеши.

Радуйся, молитвы, поста и воздержанія хранителю, чистотою и святынею Ангеломъ уподобивыйся.

Радуйся, яко князю Боривою и супружницѣ его, святѣй княгинѣ Людмилѣ, благословеніе и наставленіе въ духовномъ дѣланіи преподалъ еси.

Радуйся, яко предъ Престоломъ Царя Небеснаго предстоиши и Ему молитвы о насъ приносиши.

Ра́дуйте́ся, вси святи́и Русі́ Карпа́тскія, те́плии о насъ къ Бо́гу моли́твенници.

### Конда́къ 5

**Б**оготече́чныя звѣ́зды яви́ васъ ми́ру Госпо́дь Вседер-  
жи́тель, тро́ице бра́тій святи́хъ Моисе́е, Ефре́ме и  
Геор́гіе, вы во па́че все́го взыска́ли есте́ Ца́рствія  
Небе́снаго; се́го ра́ди упова́я изба́витися муче́ній вѣч-  
ныхъ, страда́нія вре́менныя крѣ́тко претерпѣ́ли есте́,  
воспѣ́вая благода́рнѣ́ Бо́гу: Аллилу́іа.

### И́косъ 5

**В**и́дяще по́двиги, тру́ды и страда́нія ва́ша, яже за  
Христа́ му́жественно претерпѣ́ли есте́, превлаже́нни,  
съ вѣ́рою притека́емъ къ вамъ и, благода́тію Бо́жіею,  
на васъ почи́вающею, освяща́еми, со у́миле́ніемъ  
вопе́емъ си́це:

Ра́дуйся, преподо́вне о́тче Моисе́е, я́ко ра́ди чисто-  
ты ду́шевныя и тѣ́лесныя мно́го пострада́въ, бла-  
же́нство чи́стыхъ се́рдцемъ прія́лъ еси́.

Ра́дуйся, я́ко по преста́вленіи отъ вре́менныя жи́зни  
сея́ Пресвяту́ю Тро́ицу чи́сте зри́ши.

Ра́дуйся, преподо́вне о́тче Ефре́ме, я́ко ве́ліе по-  
ще́ніе и смире́ніе чу́дно на землі́ показáлъ еси́.

Ра́дуйся, я́ко се́го ра́ди на Небесѣ́хъ жи́знь вѣ́чнүю  
наслѣ́довалъ еси́.

Ра́дуйся, блаже́нне страстоте́рпче Гео́ргіе, на Хри-  
ста́ все упова́ніе возложи́вый.

Ра́дуйся, я́ко съ благовѣ́рнымъ княземъ Бори́сомъ  
уви́енъ бывъ, ны́нѣ съ нимъ во сла́вѣ Небе́снѣй пре-  
быва́еши.

Ра́дуйте́ся, вси святіи Рүси́ Карпа́тскія, те́пліи о  
насъ къ Бо́гу моли́твенницы.

### Конда́къ 6

**П**роповѣ́дуетъ земля́ Марамо́рошская́ труды́ и по́-  
дви́ги твоя́, святи́телю о́тче Іосифе́, и́миже ты без-  
боя́зненно вѣ́ру Правосла́вную въ лю́дехъ утвржда́лъ  
еси́ и о спасе́нии ду́ховныхъ ча́дъ твои́хъ попече́ніе  
имѣ́лъ еси́. Ны́нѣ же, Престо́лу Бо́жію предсто́я, не  
преста́й моли́тися о ста́дѣ твоёмъ и о всѣ́хъ съ вѣ́рою  
къ тебѣ́ притека́ющихъ, да моли́твами твои́ми полу́-  
чивше́ отъ вѣ́дъ и скорбе́й избавле́ніе, непреста́нно  
восхваля́емъ Пода́теля всѣ́хъ благъ Бо́га, взыва́я: Ал-  
лилу́іа.

### И́косъ 6

**В**озсія́лъ еси́, я́ко свѣ́тильникъ, на свѣ́щнице цер-  
ко́внѣй поста́вленный, святи́телю Іосифе́, Гру́шевскую,  
Уго́льскую и ины́я обите́ли Рүси́ Карпа́тскія неуста́нно  
окормля́я и на спасе́нія стезю́ мно́гія ду́ши наставля́я.

Тѣмже и мы, богоугодное житіе твоё восхваляюще,  
вопіемъ ти сице:

Радуйся, вѣрныхъ чадъ Церкви Христо́вы добрый  
па́стырю и учи́телю.

Радуйся, христіанскихъ добродѣтелей неустанный  
насади́телю.

Радуйся, Правосла́вія защи́тнице, ста́до Христо́во,  
тебѣ ввѣренное, неврежда́ннымъ сохрани́вый.

Радуйся, расхи́тити его́ и въ погібель вѣчную  
ввергну́ти враго́мъ лю́тымъ не попусти́вый.

Радуйся, за исповѣданіе Вѣры Правосла́вныя ўзы  
темни́чныя претерпи́вый.

Радуйся, въ злострада́ніяхъ мѹжество сохрани́вый и  
вся муче́нія безро́потно перено́сивый.

Радуйте́ся, вси святіи Русі́ Карпа́тскія, те́плии о  
насъ къ Бо́гу моли́твенницы.

### Конда́къ 7

**Х**отя всѣмъ житіемъ своимъ досто́йно Господеви  
послужіти, праведне́ отче Алексіе, потща́лся еси́ тѣс-  
нымъ и прискорбнымъ путе́мъ, веду́щимъ въ Царст-  
віе Небе́сное, шествовати, житія́ же вѣчнаго взыску́я,  
отвергль еси́ погібельную лати́нскую ересь и восприя́ль  
еси́ спасітельное оте́ческое Правосла́віе, вопія́ радостно  
Бо́гу: Аллилу́ія.

## И́косъ 7

**Н**овымъ проповѣдникомъ и защитникомъ Православія въ дальнѣй странѣ Американстѣй явился еси, праведне отче Алексіе, неустанно проповѣдую Истину Христову посредѣ народа, велие множество сродникъ нашихъ возвратилъ еси къ Вѣрѣ Православнѣй и многія инородцы привелъ еси къ познанію Истины, сего ради вопіемъ ти:

Радуйся, заповѣдей Божіихъ ревностный исполнитель.

Радуйся, сущихъ во тьмѣ латинскихъ лжеученій просвѣтителю.

Радуйся, нищихъ и обездоленныхъ отъ трудовъ своихъ милостиво питавай.

Радуйся, въ тайныхъ благодѣяніяхъ твоихъ благодать Божію являвай.

Радуйся, и по отшествіи твоёмъ насъ, земныхъ, молитвами твоими не оставляяй.

Радуйся, нетлѣнными мощами твоими токи исцѣленій обильно источаяй.

Радуйтеся, вси святіи Русі Карпатскія, тепліи о насъ къ Богу молитвенницы.

## Кондакъ 8

**С**траника и пришельца помышлялъ еси себе быти въ мірѣ семъ, священномучениче Максиме, единого во

Господа возлюбивъ, заповѣди Его нелицемерно исполняти тщался еси, и яко неповѣдимый поборникъ Вѣры Православныя, тьму лжи латинскихъ заблужденій разгоняя, мученической вѣнецъ отъ руки Вседержителя пріялъ еси, нынѣ со Ангелы поѣши Повѣдителю смерти: Аллилуѳа.

### Икосъ 8

**В**сего себе воли Божіей предавъ, священномучениче Максиме, въ мученіяхъ богопріятный гласъ возвысилъ еси и всѣмъ во услышаніе провѣщалъ еси: Да пребудетъ Святое Православіе! Да пребудетъ Святая Русь! Вѣрни же, видяще ревность твою и восхваляюще Бога, воспѣваху ти сицевая:

Радуйся, столпе Православія несокрушимый и исповѣдниче Христовъ неустрашимый.

Радуйся, слово евангельское возлюбивый и невоязненно его проповѣдавый.

Радуйся, терпѣніемъ твоимъ злобу міра сего повѣдывый и со святыми мучениками на Небесѣхъ водворивыйся.

Радуйся, мученическою кровію своею богохульныхъ латинянъ посрамивый и исповѣдничествомъ твоимъ Церковь Православную возвеличивый.

Радуйся, пастырю добрый, душу свою за овцы своя положивый.

Ра́дуйся, свѣтъ Истины Правосла́вія латиномудре́т-  
вующимъ уніа́томъ явивый.

Ра́дуйтеся, вси святіи Русі́ Карпа́тскія, те́пліи о  
насъ къ Бо́гу моли́твенницы.

### Конда́къ 9

**В**сякое естество́ по́двиги твоими́ удиви́лъ еси́, свя-  
ти́телю о́тче Досифе́е, архипа́стырю земли́ Ге́рвскія и  
правосла́вныхъ христиа́нъ Карпа́тскія Русі́ нели́ност-  
ный окорми́телю, ты во, благода́тію Бо́жію укрѣп-  
ляе́мъ, ре́вностный защи́тникъ Правосла́вныя Вѣ́ры  
былъ еси́, всѣхъ притека́ющихъ къ тебѣ́ во благо-  
че́стии утвержда́я и на́учая воспѣ́вати Бо́гу: Аллилу́іа.

### И́косъ 9

**В**иті́я многовѣщанныя не довлѣ́ютъ изглаго́лати  
вся тру́ды твоя́, святителю́ Досифе́е, во сла́ву Бо́жію  
тобо́ю подъя́тыя, и́бо добро́та житі́я твоего́ вои́стинну  
превосхо́дитъ похвалу́ чело́вѣческую. Мы же, любви́ю  
къ тебѣ́ побѣжда́еми, ду́шами умиля́емся и хва́лимъ  
тя пѣ́ніи таковы́ми:

Ра́дуйся, всего́ себе́ Го́сподеви преда́вый и вѣ́рно  
Е́му послу́живый.

Ра́дуйся, цевни́це ду́ховная, уче́ньми твоими́ вся  
просвѣ́тивый.

Ра́дуйся, я́ко житі́емъ, дѣ́лы и словеса́ о Христѣ́ Спа́сѣ свидѣ́тельствова́лъ еси́.

Ра́дуйся, я́ко боля́щимъ усе́рдно послужилъ еси́ и ни́щія препита́лъ еси́.

Ра́дуйся, я́ко вре́менная страда́ния за Вѣ́ру Право-сла́вную отъ лати́нскихъ изувѣ́ровъ претерпѣ́лъ еси́ на землі́.

Ра́дуйся, я́ко терпѣ́ніемъ твои́мъ жизньъ вѣ́чную со святы́ми наслѣ́довалъ еси́ на Небеса́хъ.

Ра́дуйте́ся, вси́ святі́и Русі́ Карпа́тскія, те́пліи о насъ къ Бо́гу моли́твенницы.

### Конда́къ 10

Спасти́ хотя́ ду́шу свою́, преподо́бне́ о́тче Алексі́е, Исти́нную Вѣ́ру оверѣ́лъ еси́, ю́же непреста́нно проповѣ́дая посре́дѣ́ сродни́къ твои́хъ, воистинну́ равноа́постольныя́ тру́ды понёслъ еси́, за Вѣ́ру Право-сла́вную ўзы́ и заточе́ніе претерпѣ́вая. Се́го́ ра́ди за вѣ́лія по́двиги́ твоя́ просла́виша́ тя предъ́ Богомъ́ благовѣ́рный Царь-му́ченикъ Никола́й со всѣ́ми вѣ́рными землі́ Русскія́, мы же́ воспѣ́ша Бо́гу хвале́бную пѣ́снь: Аллилу́іа.

### И́косъ 10

Стѣ́на крѣ́пкая и неовори́мая былъ еси́ па́ствѣ́ твоёй, богоно́се о́тче Алексі́е, огражда́я вѣ́рныхъ отъ ла-

тинскаго зловѣрія и возвращая прельщенныхъ къ Истинѣ Христовѣй; сего ради видяще таковое попеченіе о чадехъ твоихъ, молимъ тя: буди намъ помощникъ въ жизни сей и къ Царствію Небесному путеводитель изрядный, вопіющимъ ти таковая:

Радуйся, отъ юности Христа всѣмъ сердцемъ возлюбивый и Тому единому усерднѣ поработавый.

Радуйся, смиренный Христовъ подражателю и заповѣдей Господнихъ ревностный исполнитель.

Радуйся, яко за Вѣру Христову гонимый, злостраданіе безвоязненно претерпѣлъ еси.

Радуйся, всю Карпатскую Русь во Истинѣ Православія утвердилъ еси.

Радуйся, яко ревностию о Вѣрѣ Православнѣй сердца наша распаляеши.

Радуйся, яко мощами твоими исцѣленія источаеши и благодатную помощь всѣмъ притекающимъ къ тебѣ подаеши.

Радуйтеся, вси святіи Русі Карпатскія, тепліи о насъ къ Богу молитвенницы.

## Кондакъ 11

**П**ѣніе всеумиленное приносимъ ти, преподобне отче Іове, и съ любовію чтуще святую память твою, восхваляемъ подвиги твоя: въ молитвахъ бо, бдѣніихъ и въ трудѣхъ иноческихъ зеркаломъ подражанія бивъ,

явился єси правило вѣры и образъ кротости вѣрнымъ, въ вѣдахъ и гоненіяхъ терпѣніе являяй и всѣмъ приходящимъ къ тебѣ утѣшеніе подаваяй. Тѣмже смиренно молимъ тя: не лиші твоея помощи и насъ, поющихъ Богу: Аллилуїа.

## Икосъ 11

Свѣтозарная звѣзда явился єси, отче Іове, всю зѣмлю Русскую свѣтомъ боговѣдѣнія освѣщая и мракъ безбожія далече отгоняя. Тѣмже и наша сердца, грѣхми отягченныя, просвѣти и къ свѣту покаянія возведи, да зовѣмъ ти:

Радуйся, Троицкія Городиловскія обители устроителю.

Радуйся, иноческаго житія на горахъ Угольскихъ возродителю.

Радуйся, яко весь пламенемъ предъ Богомъ, аки свѣща, горѣлъ єси.

Радуйся, яко моляся о мѣрѣ, въ неусыпномъ вѣдѣніи предстоялъ єси.

Радуйся, яко съ лики святыхъ Пресвятую Троицу ангельскою пѣснію восхваляєши.

Радуйся, яко о почитающихъ память твою Бога непрестанно умоляєши.

Радуйтеся, вси святїи Руси Карпатскія, тепліи о насъ къ Богу молитвенницы.

## Кондакъ 12

**Б**лагодать Божественную испросите притекающимъ къ вамъ, святїи сродницы наши, землю Карпаторусскую чуднымъ свѣтомъ богопознания просвѣтившии и благочестивымъ житіемъ своимъ Богу угодившии, да и мы сподобимся въ селеніяхъ райскихъ купно съ вами воспѣвати Господеви: Аллилуїа.

## Икосъ 12

**П**оюще святое, равноангельное житіе ваше, вси святїи Русї Карпатскія, увлажжаемъ васъ, яко многомоцныхъ молитвенниковъ о насъ предъ Богомъ, теплыхъ заступниковъ и наставниковъ ко спасенію, и съ любовью приносимъ вамъ пѣнія сія:

Радуйтеся, неповѣдимою силою Христовою противу врагъ видимыхъ и невидимыхъ вооружившиися.

Радуйтеся, подвигъ свой добръ совершившии и страданьми вашими діавола посрамившии.

Радуйтеся, въ сонмѣ всѣхъ святыхъ земли Русскія предъ Престоломъ Божиимъ о насъ непрестанни ходатаи.

Радуйтеся, и о земли Сербстѣй и о всѣхъ Словенскихъ странахъ дерзновеннии предстатели.

Радуйтеся, Русь Святую и Небесную Сервію житіемъ вашимъ соединившии.

Ра́дуйте́ся, вся Словѣ́нскія́ язы́ки къ́ еди́номы́слию и  
лю́бви въ́ пра́вой Вѣ́рѣ́ призыва́ющіи.

Ра́дуйте́ся, вси́ святіи́ Русі́ Карпа́тскія́, те́пліи о́  
насъ къ́ Бо́гу моли́твенни́цы.

### Конда́къ 13

❖, всевлаже́ннии́ у́годни́цы Бо́жии́, вси́ святіи́ Русі́  
Карпа́тскія́, услы́шите́ моле́нія на́ша, съ́ вѣ́рою вамъ́  
возно́сима́я, при́зрите́ на́ вся́ ну́жды на́ша ду́ше́вныя́ и  
тѣ́лесныя́, да ва́шими моли́твами́ изба́вимся́ въ́ жи́зни  
се́й отъ́ паде́ній грѣ́ховныхъ́, отъ́ навѣ́товъ́ злыхъ́ че-  
ловѣ́къ и на́прасны́я сме́рти, и въ́ бу́дущемъ́ вѣ́цѣ́  
спасе́ніе́ улу́чити́ и Небе́снаго́ Ца́рствія́ наслѣ́дниками́  
бы́ти да́ сподо́вимся́, пою́ще съ́ ва́ми а́нгельску́ю  
пѣ́снь: Аллилу́іа.

(Се́й конда́къ глаго́ли три́жды. И па́ки чте́тся и́косъ 1 и конда́къ 1)

### Моли́тва пе́рвая

❖, вси́ святіи́ въ́ Русі́ Карпа́тстѣ́й отъ́ лѣ́тъ  
дре́внихъ́ просія́вшии́ и за́падны́я предѣ́лы зе́мли  
Русскія́ освя́тившии́! Се́ ны́нѣ́, въ́ де́нь о́бщаго ва́шего  
торже́ства, мы́, грѣ́шнии́ ча́да ва́ша, прино́симъ́ вамъ́  
се́ хвале́бное пѣ́ніе: велича́емъ́ ва́ша вели́кія́ по́двиги,  
у́блажа́емъ́ ва́ше свято́е житі́е, просла́вляемъ́ ва́ша  
вели́кая́ чуде́са, восхвала́емъ́ ва́шу́ богопо́дража́тель-  
ну́ю лю́бовь, и, упо́вающе́ на по́мощь ва́шу́, припа́даемъ́  
къ́ вамъ́ и вопі́емъ́: О́, святіи́ сродни́цы на́ши, явле́ннии́  
и неявле́ннии́, вѣ́доміи́ и невѣ́доміи́, вы́ бо не́ то́кмо о́

Карпатстѣй Русі ходатаи тепліи, но и о всѣй землі Русстѣй молитвенницы непрестаннии, и о всѣхъ Словенахъ предстаители милостивии. Сего ради усердно молимъ васъ, угодницы Божіи, предстоящии Престолу Пресвятыя Троицы, молитесь выну о всѣхъ концѣхъ землі Русскія, да бѣдетъ земля наша воистинну Русь Святая, и вси живущи на ней родъ избранъ, царское священіе, языкъ святъ; да бѣдетъ царство наше якоже Царство Христово, сіяющее всему міру свѣтомъ истинныя Православныя Вѣры! Прилежно молитѣ Господа нашего Исуса Христа, да утвердитъ вся Словены, яко братія въ вѣрѣ и по плоти, въ единомысліи и любви, да умирить распри и раздоры, посредѣ единовѣрныхъ братій возникающыя, отпадшыя же отъ Православныя Вѣры паки къ единовѣрію да возвратитъ и всѣхъ насъ единеніемъ дѣха и любви во Единѣй, Святѣй, Соборнѣй и Апостольстѣй Церкви соединитъ. Вознесите своя усердныя молитвы ко Всемилостивому Спасу нашему, да соблюдетъ Церковь Русскую отъ ересей, расколовъ и отъ тлѣтворнаго дѣха міра сего, всѣмъ же намъ, вѣрнымъ чадомъ ея, да даруетъ дѣхъ правыя вѣры и любви, дѣхъ вѣдѣнія и благочестія, и вся, яже къ жизни временнѣй и вѣчнѣй потребная; пастыремъ же нашимъ да дастъ ревность о спасеніи пасомыхъ, и да сохранитъ всѣхъ православныхъ христіанъ отъ прелести близгрядущаго богомерзкаго антихриста и его злохитраго начертанія. Ей, предстаителие наши и покровителие, ускорите на помощь къ намъ, и молитѣ Человѣколюбца Бога, да избавитъ землю Русскую и вся Словенскія страны отъ

наше́ствія иноплеме́нникъ и междуо́собныя бра́ни, отъ гла́да и смертоно́сныя язвы и отъ всякихъ вѣ́дъ и напа́стей; да да́руетъ намъ на ма́лое вре́мя послѣ́днее Царя́ Правосла́внаго, Пома́занника Сво́его благосло́веннаго, проро́ки но́выми предрече́ннаго, яко́же оплоть крѣ́покъ и стѣ́ну недви́жиму протѣ́ву антихри́ста и слугъ е́го; разгонѣ́те овлежа́щій ны́ мракъ невѣ́рія и развраще́нія, да ми́рно и благоче́стно поживе́мъ въ вѣ́цѣ се́мъ и сподо́вимся Небе́снаго Ца́рствія, идѣ́же вку́пѣ съ ва́ми и со все́ми святы́ми земли́ Ру́сскія просла́вимъ Отца́ и Сы́на и Свята́го Ду́ха, ны́нѣ и прѣ́сно и во вѣ́ки вѣ́ковъ. Ами́нь.

### Моли́тва второ́я

❖, пресла́вниі и всехва́льниі у́годницы Бо́жии, вси святѣ́и въ Ру́си́ Карпа́тстѣ́й просі́явшиі! Къ вамъ, яко́ те́плымъ хода́таямъ и предста́телемъ на́шимъ, свѣ́томъ уче́ній ва́шихъ просвѣ́щеніи и въ вѣ́рѣ́ Хри́стовой наста́вленніи, съ любо́вію привѣ́гаемъ и въ сокруше́ніи серде́ць на́шихъ мо́лимся: испросѣ́те у́ Всеще́драго Бо́га прощѣ́ніе согрѣ́шеній на́шихъ и житія́ на́шего исправле́ніе, да въ пока́яніи и нелицемѣ́рнѣ́й любві́ дру́гъ ко дру́гу поживше́, предста́немъ Стра́шному́ Су́дищу́ Хри́стову́ и ва́шимъ предста́тельствомъ сподо́вимся ста́ти одесну́ю Пра́веднѣ́йшаго Су́діи, Е́муже́ со Отце́мъ и Святы́мъ Ду́хомъ подо́баєтъ сла́ва, че́сть и поклонѣ́ніе ны́нѣ и прѣ́сно, и во вѣ́ки вѣ́ковъ. Ами́нь.

## Тропа́рь, гласъ 4

**Д**несъ свѣ́тло красѹ́ется Карпа́тская Русь и съ нею вся концы́ земли Русскія дѹхóвно торжествѹю́тъ, па́мьять соверша́юще богопросла́вленнаго ли́ка святы́хъ, въ по́двизѣ́ Правосла́вныя Вѣ́ры издрѣ́валѣ́ во ѹдѣ́лѣ́ семъ Бо́гѹ ѹгодившихъ, и къ нимъ съ любóвию вопі́ю́тъ: о предив́нии Христу́ Бо́гѹ моли́твенницы, вѣ́нцы пресвѣ́тлыми отъ Него́ ѹвѣ́нчанныя, миръ и благоде́нствіе́ Отѣ́честву на́шему испросі́те и дѹша́мъ на́шимъ вѣ́лію ми́лость.

## Конда́къ, гласъ 3

**Я**ко свѣ́тильницы свѣ́тоза́рни явисте́ся въ Русі́ Карпа́тстѣ́й, просвѣ́тителіе́ на́ши, вы во Крестъ́ Хри́стовъ на ра́мена своя́ взѣ́мши, ѹсѣ́рдно Тому́ послѣ́довали есте́, пла́менною вѣ́рою Бо́гови прибли́живше́ся, отъ Него́же чѹде́сь дарова́ніемъ обогати́стесе́; тѣ́мже и мы съ вѣ́рою къ вамъ притека́юще, ѹми́льно глаго́лемъ: святі́и ѹго́дницы Карпаторѹ́ссѣ́и, спаса́йте насъ моли́твами ва́шими ко Го́сподѹ.

## Велича́ніе

**В**елича́емъ васъ, вси святі́и Карпаторѹ́ссѣ́и, зе́млю на́шу во Правосла́виі ѹтверди́вшыя и ко Христу́ при́ведшыя.

**Празднова́ніе: 1-е воскресѣ́нье послѣ́ 11 мая (с.ст.)**



